

敦夙好齋詩全集

敦夙好齋詩續編卷三

乙卯

漢陽葉名澧翰源著

薇省二集三

新歲與同人小酌

搔首尊前感不禁  
良辰莫憚數招尋  
文章且了吾生事  
絲竹徒傷客子心  
臘盡春回如轉燭  
酒龍詩虎各開襟  
風光眼底休孤負  
鶯燕懷新欲滿林

酒間讀吳稼軒元日朝賀詩卽贈

歡呼此尊酒  
誦汝早朝篇  
雨露沾瓊液  
衣冠惹紫烟  
馮

唐休歎老方朔自稱仙乞郡何爲者蹉跎亦浩然

人日招張海門金鑪孫琴西衣言兩編修孔繡山

舍人憲彝王少和戶部錫振林穎叔工部壽圖孫

稼齋教習福清小集以冀開七葉應今朝分韻得

今字

皇州春已到酌酒共歌吟大地飄蓬感青天倦鳥心及  
時謀宴樂吾道問來今便欲携筇去登高一散襟

穀日孔繡山同年招朝鮮李以堂尙健吳亦梅慶

錫兩從事暨諸同人小集分韻得道字

車馬如流波日夜令人老得此須臾閒勝侶事游討舍  
人有嘉招鼓興期必造海客自東來異聞豁夙抱去年  
人日筵吳侯樽共倒藹藹青蓮裔幾載違瓊島良會亦  
偶然愁緒因君掃華堂喧眾賓今歲春何早應候積冰  
泮當午層雲杲草芽暖可抽蜂聲晴已繞酒味旣淳淳  
神情方浩浩紙墨足發矇笑言抵贈縞我

皇昨祈辛

齋祀爲民禱天光淨羣翳淑景千門好證以農夫占有  
秋豐麥稻中外本一家稟朔首同矯契闊重相知黽勉

敦吾道繾綣席遽闌欲去心如擣踪跡限重闔日落疏  
林杪

吳亦梅言所居庭前忽生天竹一叢因顏曰天竹

齋太倉程穉蘅

祖慶

爲寫圖索詩

東海有彥英奉使歸復來爲言所居地溪澗相縈迴繁  
花媚晴昊清景羅高齋偃仰此朝夕時聞禽語諧舉步  
忽有觸異卉生庭階枝葉日以長果實何纍纍扶搖風  
雪中豔奪千玫瑰矧乃富藏弄左右牙籤披靈秀天所  
貺劫火不能災

天竹植庭中  
可以辟火

老屋暫云別夢境猶叩邾

重以星紀感離緒盈深杯

中朝蔚楨榦大雅多通材班荆代圖畫分手心孔悲馬  
首鬱遙望楊柳春方回

元夕與吳稼軒月中散步

時市民團練  
懸燈於門

招來天外月照我兩人行良夜疑清晝春風滿

帝城游閒方屏迹歌舞漫多情大道瞻如砥依然見秦  
平

上元後一日飲許海秋宅

燈火逾元夜清尊此草堂秦淮花事遠滬瀆戰聲揚

時聞

克復上一醉憂難寫相憐鬢欲蒼看君風雨際揮灑萬

海縣城

一醉憂難寫相憐鬢欲蒼看君風雨際揮灑萬  
貧簞君工畫竹久不復作近有十年不畫竹  
長短句一章寄其戚王君清瑞故云

燕九節與同人遊白雲觀謁邱長春真人象遂至

天甯寺小憩

是日都人又  
謂之譙邱

無端歌吹沸春洲士女駢闐趁譙邱見說東南塵未掃

欲將劫運叩靈修

千年留得開皇寺一塔巍然負郭尊聊向平臺話杯茗

暮天濃翠撲荒村

正月二十日唐白文公生辰偕唐伯華

恩壽

吳稼

軒昆田許海秋宗衡何通甫兆瀛下頌臣寶第錢

馨伯桂森設祀于蔣叔起超伯齋中孔繡山以事

未至相約九人各賦一詩用九老會詩中二語余

拈得樂天除卻三山五天竺人間此會更應無因

作起句綴成一律

除卻三山五天竺人間此會更應無長慶集載公此詩

天竺圖多有壽者琴尊已往圖中見燈燭今宵興不孤昔年在吳門市

上見有明仇實父畫九老圖惜未能購今日所懸白公象爲余伯潛鼎摹南薰殿本余前歲得之琉璃廠肆者

憂國底須勞我輩閒官他日乞西湖聞阮文達公元撫浙時壽公湖上官



僚從者甚眾  
傳爲美談

四絃請向筵前奏那免青衫淚滴珠

正月二十五日與朝鮮李吳兩從事酒間口占一

絕

空堂向午不風雨醉倒筵前酒百巡執手殷勤問來日  
關山莫厭逐車塵

同人分韻爲李吳兩從事送行余得談字

都亭一望柳毵毵佳日聊從二客談讀到離騷堪命酒  
思將彌勒與同龕多君滄海心偏壯笑我名場味已諳  
更說江邊春色早東來消息此中探

亦梅爲余  
扇頭寫梅

東孫琴西同年

共有憶鄉念遙遙春水深相存惟隔巷聞汝偶孤吟  
鏤吹天邊奏煙花郭外尋及時當作健底事感盈襟

唐伯華齋中夜飲同吳稼軒許海秋

不復談生事相將倒玉壺交親忘爾汝懷抱共黃虞作  
計思何往安身莫厭愚春郊花似海著處足歡娛

贈彭硯雙

克儀

宮詞賦罷動

君王寶硯豐裘出

尙方

南昌彭文勤公  
元瑞君曾祖也

今日孫曾思祖武百年文獻重南

昌春風尙醉他鄉酒少小空悲結客場極目紅塵冠蓋

滿幾人感舊到荒莊

二月二十日宋蘇文定公生辰同人設祀余齋中

以藥城集爲供卽席敬賦長句

迎春曾祀玉局翁王郎何郎相追從

去臘少和青士兩  
君爲坡公作生日

余皆  
與焉

寒食清明付一瞥一觴更酌端明公

文定亦官端  
明殿學士

君家兄弟皆英雄文章爾雅揚宗風寒鐙夜雨對牀日

不以窮達櫻其胸公也遇主年尤少抗詞那畏廷臣劫

太息它年宰相才，頽濱老去幾同調。平生丰采誰能摹，  
須眉想見盈尺書。名山事業八百載，底事阿堵傳區區。  
膽瓶折枝供丁子，几上並供紫丁香花插瓶銀檠香篆交縈紆。一堂  
文士樞衣趨爲公，介壽爲歡娛。良宵不惜傾千觚，春月  
娟娟流座隅。科頭解帶風來徐，興酣朗詠快哉記。更問  
黃州笠屐圖，公文中快哉亭記人所熟讀亭與赤壁相近舊有坡公笠屐石刻兵後不知存否

惆悵

風塵何處問鄉閭，似我愁心詎易除。二月長安春渺渺，  
一江流水夢徐徐。室留清俸頻沽釀，官有餘閒但覓書。

惆悵天涯烽未息吾曹那敢慕閒居

六月二十四日孔繡山招同王子梅

鵠

暨諸同人

十刹海挂笏樓觀荷小飲

載酒年來興未孤波光如鏡照髭鬚詞人豔說觀蓮節

舊事難追挂笏圖

余舊有王石谷挂笏亭圖失之

碧閣朱扉天詖蕩魚

汀鰕渚夢模糊緇衣暫忘風塵苦沈醉筵前日欲晡

王子梅屬程穉蘅作十刹海看荷圖漫成一絕送

別

將之官  
濟南

酒罷客言別秋風波漸寒鵲華山下路時展畫圖看

中秋日散直偶成

良節不休暇簪毫傍紫微鬢毛殊曩昔朋好未乖違  
潦闊馬蹄緩霜清鳥羽肥辛勤將薄笨載得俸錢歸

八月二十一日秀水朱竹垞檢討生辰招同楊漱

芸同年

炳春

暨何青士許海秋蔣叔起諸君設祀

齋中以余舊藏先生著書硯及犀角槎杯爲供

先生應

詔時行年已半百作賦

彤庭前

天子賜顏色布衣踐史官不以科目得於惟康熙朝濟  
濟皆英特蓬華無遺材徵薦超常格誦公春蒐篇威儀  
想閎赫風流倏已遐文獻耿胸臆我昔得公硯摩挲念  
餘澤審篆銘語留年月增太息

銘刻丁亥三月朔爲康熙四十六年時先生年

七十

江湖方倦游風雪不安食

車駕蒞湖山侍從多同術

時先生與相國陳公艤舟五學士佟公詩歌酬倡

里亭頽首

龍舸側

見先生年譜

博學臻耆齡拄杖垞南北端州石一泓

厯世資耕穫公去幾何時靈爽在編冊士林副盛名不

朽猶金石

先生有吉金貞石記未見

持槎敬上壽

犀角槎杯亦先生所用物槎腹下刻

印有小

醺醪芬鄰壁渺渺百花莊  
我我碧漪宅辦香冀來

降詎以川嶽隔清秋夜漏長  
鞠臙宴嘉客幢幢華炬明

醉舞遣今夕升沈慨弁髦  
文字酹勳績千秋萬古心邪

許期無斁

先生著書硯銘云北垞南垞北垞中有曝書亭空明無四壁八萬卷家所儲鼠搬薑獺祭

魚壯而不學老著書一泓端州石晨夕之相於審厥象授孫子千秋名身後事

大真覺寺

土人名五塔寺明宣宗成化九年癸巳建金剛寶座累石爲臺極頂列塔五各

二丈有奇以奉西域印度僧所貢金佛五軀塔外刻梵文院中有乾隆二十六年辛巳重修

御製碑文



供奉傳前代經營仰

聖朝一僧來印度五塔轟穹霄梵語回環讀叢鈴倒景  
搖石欄幾百載風雨不能彫

八月二十八日諸城王文簡公生辰何青士戶部

招同人集祀以團扇畫象爲供

一囊夢示古隄廩髻亂能吟白也詩見文簡年譜往日山莊

見圖畫祇今團扇識鬚眉駕行寂寞琴樽盡國初諸老有宮僚

雅集林謙游最勝文簡與焉蠶尾流傳俎豆宜聞蜀中有文簡象石刻余未之見讀

到秦淮舊題句鄉關戎馬感深厄謂文簡秦淮諸詩青士家金陵亦余先世

所居也

秋日同王秋垞大埔孔繡山小飲游萬壽寺

十千得微醉並馬過郊原霜氣澄秋宇河流導寺門看雲諸相變閱世數松尊但得官曹暇提壺此避喧

天甯寺訪遼蕭后妝臺遺址據明楊東里士奇集言遼蕭后妝臺在寺

中浮圖之南廢邱隆然而峙云

一角妝臺地香泥舊屬遼秋山窺鈿翠故事歎焚椒小

家言有焚椒錄爲懿德蕭后而作結束矜馳獵坤儀總姓蕭荒邱頻指

點斜日下僧寮

遊釣魚臺下作

金王鬱飛伯  
嘗隱居於此

高人不覩王飛伯七百年來有此臺汨汨流泉尋故派

荒荒秋色下寒苔翠微西拱環屏障紫泝東滌瀉酒杯

安得振衣一長笑天風舉首躡蓬萊

地今爲內府設吏  
掌守不許登也

題王子梅願祠聽雨卷子

五月二十八日雨  
中集慈仁寺事

禪寺自今昔瀟瀟風雨昏舊游餘幾輩望遠一登臨濁

酒愁難盡蒼山夕正陰歲時茲俎豆攜手意何深

送孫稼亭歸省後之官山西

登高送君去燕市正重陽濁酒百觴盡離亭秋色涼挂

帆問鴛水匹馬又羊腸迢遞春來鴈新詩好寄將

偶遊城西古寺五絕句

零落秋花向晚妍唐家戰骨委荒烟浮圖夜半淩風響

曾說金源造榜年

金史選舉志大定十三年八月于憫忠寺策試女直進士寺舊有雙塔進

士入院夜半聞東塔上有聲如音樂西達于宮

古槐銷盡劫塵中況復看花失宋公想象宸如舊圖象

輭袍側帽內家風

聖安寺金李宸如象不知何時失去王樓村修撰式丹集中商邱宋公招

游詩自注言古槐一株傳是金時物又宋公五十年前寓此寺寺僧偶植馬纓花小如鞭笋今合抱矣修撰詩

成康熙戊子距今又一百

四十餘年爲寺中故實云

改風乎齋詩讀編

卷三

十

外家彷彿平生貌一樣蓮花護戒壇細認幃中題字在

如何都作定陵看

長椿寺有明孝純劉太后象與九蓮菩薩象相似題崇禎庚辰年恭繪沿

謫已久老輩中惟姚姬傳郎中鼎韓旭亭封翁題詩未誤而俗僧仍執前說不足與辨也明神宗葬于定陵

妙光閣上已斜曛司寇風流日下聞萬朵蓮花擁幢蓋

名香親幟善持君

妙光閣龔芝麓尙書鼎孳爲顧橫波夫人建夫人號善持君以十一月初

三日生恆幟誦于此尙書有生辰歲歲焚名香幢蓋蓮花繡妙光之句見定山堂集

閒庭曲院淨無塵鐘鼓聲中演法輪欲乞山僧容米汁

一尊好約柰花辰

增壽寺有柰花二株名人題詠及之

九日集慈仁寺願亭林先生祠卽事

秋到重陽風雨稀  
攜壺趁曉敞禪扉  
拌將酩酊銷愁思  
且喜朋儕慰渴饑  
槃敦詞壇誰作健  
蓴鱸鄉國夢都非  
荒祠欲去頻惆悵  
一徑松聲黯夕暉

是日同人復游天甯寺登高有作

近年寺中游人甚眾車馬填溢

宴飲殆無虛日也

浮圖郊外寺邀客  
更登高令節詩心遠  
霜天短鬢搔殘  
僧侈花木飛  
葢趁林皋  
瀟茗平臺上  
西山笑我曹

重陽後五日登陶然亭

登高偶乘輿拾級上孤亭  
楓葉經秋麗  
霜天照眼醒  
僧

寮少萸菊游客減羶腥

此地近越設筵席者

獨立斜陽外疏鐘耐

久聽

江蓉舫舍人

人鏡

以詩卷相質賦贈

白圭一卷詩小年吾所誦

君大父石生大令之紀著有白圭堂集

傳家有

文孫談藝言多中走馬東掖門鬱轡一官共君才未易

量養翮希高縱我我

殿陛前一奏中和頌

敝衣

京洛緇塵欲漲天敝衣終歲鎮相憐金鍼密密悲慈母

白袷翩翩憶少年東郭公車少完履王家故物戀青氈  
酒痕浣徧君休澣未礙長安市上眠

題蒲圻余旬甫

宣

耒陽拜詩聖圖

遊迹萬里圖  
十二幀之一

之子浮湘去高歌氣不羣臨風懷往哲酌酒問斜曛孤  
豕屹然在雅音誰更聞何如茲卜築入夢乞靈芬

### 食蟹

燕臺忽復秋將盡入市筠籠蟹可嘗佳日杯盤憐節物  
暮天風露感蒼茫橫行直欲同蛟鱷蝨賊何堪據稻梁  
付與老饕成一飽狂如吏部亦何妨



敦夙好齋詩續編

卷三

主

題周采三丈

曾毓

藥艸山房圖

藍衫一追憶鐘鼓廿年過

先生首官成均名禮曾就試

小草搜羅徧

同堂契闊多披圖眷苓獨習靜此巖阿去棹那能逐秋

風負薜蘿

先生有招名禮他年結鄰吳下之意

讀黃翔雲刑部

雲鶴

九秋詩感作

登高莽無極歸思九秋中楚客善悲感天涯多雨風干

戈消息斷猿鶴夢魂空我有畫圖在愁心與爾同

將倩人寫

尋秋圖

冬日偕孔繡山同年招同楊漱芸大令

炳春

劉炯

父徵士存仁王少鶴錫振丁頤伯壽昌兩戶部孫

琴西編修衣言蔣叔起刑部超伯林穎叔工部壽

圖集飲衍聖公邸第之韓齋卽席分韻得高字

良朋聚文譙城北一堂高且極琴尊樂甯辭車馬勞心

香欽曩哲齊中懸昌黎樗散屬吾曹醉望江關路何時

罷節旄

贈楊漱芸同年

京兆題名後蹉跎十九年齒猶憐我少交迺藉詩傳意

氣成真率生涯託簡編湖山得仙吏君將之官浙中飛夢逐歸

船

消寒第二集許海秋舍人

宗衡

齋中詠秋日遊馮

相國萬柳堂

我昨暮秋天曾攬城東轡蒼涼樓堞間數畝見荒寺當年佛法崇初地布金翠其旁亭榭佳慨想馮公事詩酒諸英流于茲聲名寄悠悠百年來柳衰堂亦棄生晚未及逢抗懷心恆醉九門豔笙歌晝夜方川至談笑驚虹蜺讌飲戒文字吾儕日孤唱圍鑪且相媚蓮塘花嶼中神往軫宵寐行就老僧言種樹拓餘地盛夏好招尋一

尊賞荷芰

又詠寒竹

霜風吹籜響空林寒碧猶堪入徑尋  
卒歲依然見孤節  
此君終古抱貞心漫同遷客黃蘆感  
愁絕佳人翠袖禁  
一自草堂烽火後更無音信到而今

余家舊有冬生草  
堂說文竹冬生草

消寒第三集吳思澄刑部

養源

齋中詠天下大師

墓

大師衣鉢竟誰傳皇覺宗風記昔年  
野史妄言空復爾  
孤墳異代尙巍然緱山悵望歸來日  
澡澤荒唐物外緣

澡澤見穆天子傳

指點殘碑半疑信青郊披拂草芊芊

消寒第五集題卞頌臣刑部

寶第

紅橋憶柳圖二

絕句

百年那復見漁洋楔飲風流換戰場孤負千條萬條柳  
畫圖今日有滄桑

旌旗風掣將壇尊彌勒龕前萬馬屯一望春來好煙水  
暮鳥難覓舊巢痕

消寒第六集同人飲蔣叔起刑部

超伯宅

廣榭層樓鬪管絃春明風景故依然吾曹聊作逡巡醉

世事休嫌冷淡緣列坐笑談忘永夜故鄉兵火入新年  
書生夙抱平淮策拏筆思成

聖德篇

贈許海秋

異地相依倚翛然愛汝真倦游聊市隱嘯詠喜悲辛鴈  
陣愁心遠鳥啼舊夢陳祇應共壺酒爛醉倒冠巾

過龍泉寺

霜高寒潦盡策蹇傍坡陀斜日人煙少西山雪意多入  
門逢惠遠說法叩維摩濡墨思題句松風耳畔過

繡漪橋晚眺同蔣叔起作

卽昆明湖上橋也

飛虹麗天半巨鼇淩風游用莫長湖浸突起燕郊陬日  
晚叱敝馭拾級聯朋儔仰瞻

離宮壯勝陟名山幽名山望縣邈佳氣鍾

神州窮年苦鞅掌誰與豁心眸及此獲清暇渺若升崇  
邱飄飄碧雲舉藹藹朱霞浮雪融百草蕪春水彌悠悠  
歲莫戲詠三首友人屬賦

竟把科名付采籌眼前福慧幾人修眾中獨擅無雙譽  
萬事羞居第二流任爾狂言驚滿座有時唾手抵封侯

龍門領隊渾無據莫被旁觀一網收

狀元壽

委贄相將據坐隅羣才入彀本殊途世情冷暖輕于紙

仕路升沈盡此圖人物千秋徵往鑑名場片刻識今吾

漢官一卷流傳久

宋劉攽漢官儀卽此圖之濫觴也

羊胃羊頭事有無

升官圖

刻中彪外任低昂捫腹空空折節忙自詡衣冠饒嫵媚  
生來骨格費猜詳象形大似麒麟援作戲無非傀儡場  
不遣僊師供一剖此翁博得歲年長

不倒翁

蠟梅



敦夙好齋詩續編

卷三

六

風味休嘲入嚼時  
百花頭上遜芳姿  
韶光已覺經蜂釀  
慧性應憐綴鳳嬉  
詞客心情愁對燭  
羽人裝束愛衣絁  
天南消息今何似  
驛使九封報莫遲

題醉石山房詩

涇朱璠  
漁村著

退閒必高卧  
妙語羨漁村  
草閣看梅客  
春燈上日樽  
江湖難穩夢  
詩酒漫銷魂  
漢渚劫灰後  
悲歌聲更吞

集中  
漢口

火一首紀道光乙巳年事也  
近被兵燹聞室廬無一存者

題醉墨山房詩

涇朱楚生  
竹樵著

昔年還漢上人說  
竹樵翁豪氣凌黃海  
詩心澹碧空不

園人事改孰與酒樽同展卷殷勤讀深宵燭不紅

暮冬過萬柳堂

客氣如飛鳥幽林信可憑香臺塵堀堞玉宇氣高凝不

見佳山盡猶餘乞食僧荒荒葦際何處覓漁罾

寺中舊藏

有元人雪景道光十二年壬辰爲朱野雲山人鶴年取去山人歿後不知歸誰氏矣佳山馮相國堂名

野眺

破寂惟孤眺淒淒歲已深鴈邊寒色遠雪後眾山晴谷  
口稀人迹林居近佛心幾時容客到攜酒最高岑

蟾姑余所撫舊家女也將歸方氏詩以送之

自汝來我側婉婉方弱齡傷哉室不幸事我爲螟蛉舉  
動一疴癢歲紀將周星安能無離別窮年依影形喜汝  
今有歸羔鴈方升庭佩幌勉無愆吾言汝其聆明朝卽  
歧路飛雪京東亭

方增理僑  
居通州

歲暮攜兒子

恩頤

遊增壽慈仁二寺遂至斜街花

市歸途遇雪作三首

願言散我劬城西好風日居沐塵鞅稀巾幘思一出有  
如脫鞢薦胡慕處禪蟲散塾兒亦聞從我討幽逸祇林  
咫尺間散步遵廣術

喃喃海潮聲緇流集昏曉龕燈晝仍明趺坐一僧老碑  
碣已不存舊聞寂無考其旁施賑場鵠面眾形遶今歲  
米價昂微官愧私飽東南兵未銷殷憂迫歲杪鬱鬱客  
子心仰視羨飛鳥且復尋毘盧登高豁懷抱增壽寺外院爲西城  
施粥之所慈仁寺後毘盧閣舊基尙存

斜街敞花市詩老多遊蹤毛朱去已遠及見香蘇翁吳蘭

雪丈嵩梁著有香蘇山館集撰杖從翁游時與兒年同荏苒三十載

舊事常惺忪擔頭富春色被麗青與紅閱世惟神祠古  
德明雙瞳牆角山翠淺時覺流雲封雪片忽飛灑跋履

歸途逢呼兒寫新詩煮酒娛寒冬

偶於廐市見宮僚雅集杯十具價重莫能致也賦

詩紀之

大戶湯睢水淺杯王阮亭百年溯遊讌故物歎飄零寶

此緣非偶撐來眼乍醒聊同愷之事妙畫可通靈

康熙朝湯

潛庵沈繹堂郭快圃王吳應秋逸庵田子濯張敦復李山公朱卽山王阮亭諸先生同官宮坊造銀杯十鐫宮僚雅集四字並飲者人名字號籍貫大戶湯文正公小戶則王文簡公也

十二月二十四日拜

文淵閣檢閱之

命恭紀

絲綸職掌凜無愆  
薇省回思閱歲年

彩筆沾濡邀

帝簡

奎章侍從厠羣賢  
快聆韶濩當前奏  
願讀瑯嬛未見編

傳世一甄期守舊

先大父官中書時充是職

迂疏何以副

陶甄

歲暮購得西涯圖  
翁覃溪先生所藏物也

陳默齋都尉廣

凝屬方蘭池處士薰寫贈覃老者圖成于嘉慶戊午方泚人

敦夙好齋詩續編

卷三

九

北平學士劇風流圖寫西涯事事幽去向湖山徵好手  
每逢荷芰續清游詩懷落落渾無際野意迢迢淡莫收  
歲暮長安風雪滿徑思載酒豁吟眸

前圖尾附裝成齋竹舫圖再題一詩

秦州朱野雲山人鶴年繪

翁覃溪先生書後曰自成齋竹舫圖因西涯移竹  
圖卷而補摹也李萊陵移竹詩墨蹟自識云移居  
後三日在成齋竹舫書陳璠字玉汝長洲人官南  
京都御史西涯門人自成齋集吳匏庵沈石田詩  
皆有半舫齋之句卽其地也因屬野雲居士作此  
圖附裝于西涯圖後嘉慶丁卯秋七月九日又記  
云以懷麓堂集合匏庵采考之西涯移竹詩在成  
化二十年甲辰五月十三日蓋陳玉汝爲西涯乞  
竹載于王世賞傳而有田匏庵皆和之石田爲作  
移竹圖惜玉汝原唱不傳耳玉汝時已轉官大理

是日爲竹醉日也時西涯

年三十八矣七月十日

西涯舊門人大理尤莫逆先生尋詩來高齋岸巾幘及  
茲竹醉辰一觴破寥寂清風響松篁旅心傍泉石琅琅  
歌詠聲撰杖朝復夕一時沈與吳相見忘主客悠悠三  
百年重煩北平墨

小年

小年何足樂舉俗愛斯名圍坐娛妻子持觴念父兄  
烟中夜煥爆竹一天晴彷彿垂髫事光陰送復迎

歲除前一日立春



天闕恩光普家庭氣象新臣心常捧日歲首早迎春所  
願塵氛淨還期物候均盤辛今已薦拜手頌

君親

敦夙好齋詩續編卷三終

男恩頭謹編

敦夙好齋詩續編卷四

丙辰正月  
至八月

漢陽葉名澧翰源著

薇省二集四

人日過孔繡山同年寓留飲

長安競賀歲晨夕靡停轂鄙性貪微醒閉門輒酣宿故  
人有孔侯令辰方休沐疇昔際茲日酬詠蔚篇軸興來  
忽命駕輕車抵舟速闐闐鬱雲氣飄颻倏原陸萬象炯  
太空朗朗我心曲就君杯酒歡但惜游晷促人聲遠庭  
除天意厚花木眾芳漫誕時爲樂期秉燭

東坡先生詩集卷之十一  
正月八日雪中與何青士許海秋蔣叔起沽飲遂  
至廣安門外天甯寺登高晚集海秋寓廬二首

高城連夕雪飛夢翠微間曉貰鱸頭酒暮看天外山殘  
僧驚剝啄老佛喜荒閒一白浩無際登臨未許還

我輩容疏放同雲勢益道壺觴鼓餘興燈火當扁舟欲  
喚碧霄月還爲元夜遊衝寒休惓醉準典舊貂裘

雪將止大風竟夕

雪勢漸云倦將晴風助聲濛濛昏月墮颯颯紙窗明不  
辨長宵柝相依短燭檠客懷無一事欹枕味餘醒

柬許海秋二首

相見無多語相思日幾回  
忍寒頻覓句撥悶強銜杯  
南國夢何遠東風春已催  
摩挲此長劍漸覺壯心摧  
一藝猶難就千秋恐未勝  
多君已深造俾我性飛騰  
宦意和雲倦鄉愁撫髻增  
萬端聊撥棄舊業問青燈

黃翔雲以元日祀神辭見示

送窮窮不去倏及履端辰  
蟣蝨微臣語壺觴隔歲人  
慶雲布容裔旭日轉洪鈞  
更盼平淮奏書生彩筆新

二月初十日

經筵禮成

文淵閣侍直恭紀

鵠立詞臣職螭頭

錫宴辰巍峩瞻冊府清切仰

絲綸池柳抽芽暖林花計日新

天顏欣咫尺曉色布韶鈞

贈畢容伯

廷杰

畢生來自京郊西單車歷碌豪情低囊中有詩已盈尺  
雄光直可騰虹霓金臺閉門比林谷夜夜吟聲動鄰屋

春風吹落太行綠靈巖書堂不在目

靈巖山館君家秋帆宮保沆昔年讀

書處

也請君獨泝風騷源隻手力障狂瀾奔駿公歸愚已

黃土餘子鄒下安足論丈夫懷抱在籌國欲以詩名非  
上策馬上長纓請未能吁嗟我亦天涯客

### 題朱伯韓詩卷二首

欲話灘江事天涯有故人時艱誰執咎詩苦語彌真  
鼓勞諸將瘡痍切小民還將道州淚慷慨一敷陳

言念詞場侶翻驚歲月邁飄零比溝水辛苦事公矛都  
邑笙歌沸關山劫火愁一編容三復我更憶螺洲

謂故人王

子壽也君過荊州  
與子壽款洽數日

淀園直廬夜宿贈袁杏村舍人

開第

從事周廬地談詩禁漏分十年仍襆被一夕喜逢君語  
挾幽燕氣心遊鸞鶴羣明朝揮手去振觸隔城雲

夜觀直廬壁間祝雲帆前輩

春熙

所繪宸園紅

藥圖

曩見題詠甚多今僅存李蘭卿都轉彥章二詩餘皆失去

佳卉不知老臂分傍客紅託根九天上憶舊廿年中故  
事留同省才名有數公後來簪筆者披畫感春風

與魯通甫許海秋夜酌遲符南樵不至

寂寞堂前酒相看若夢中中年賸華髮幾輩尙飄蓬

徐懿

父姚梅伯戴存莊諸君

星斗天關迴江湖杼軸空應知竹西客涕

淚此宵同

聞南樵今夕赴揚州諸君之約

馮樹堂大令

卓懷

來自新甯得江忠烈公

忠源

遺

象將奉祀于湖廣鄉祠贈之以詩

樹堂將出宰四川

馮侯吾久聞十年甫識面昨從湘中遊篋有三尺絹云

求忠臣裔圖貌光炳絢江公君故人心契吾未見

江公與名

禮爲丁酉同年而未曾一面

神姿想褻鄂颯爽如驚電可憐一危城

垂死力未倦大功弗克就毅魄定酣戰多君重友朋存



問猶繼繼寶劍季札心斗酒橋公莫嗟我亦含悲甯君  
涕若霰祭社在斯人當以一言斷維楚多名賢蘋藻宜  
並薦陳良慕周孔左徒死忠諫漢唐迄前明史冊聲華  
擅千古萃一堂香火歲時獻以次及江公且爲天下勸  
鰥生傍枌榆仰止殷朝晏何日斯議成使我增嘸歎君  
行將云別蜀道入雲棧報最期重來勉爲牧令冠訪我  
橋西居崇祠接輪奐

哀陳母

并序

陳母姓蘇氏江甯人癸丑春粵寇至飲酖死其子子餘

寶善

具狀徵詩

我本金陵人百年寄漢渚漢渚不可歸金陵亦焦土歲  
時念松楸音問久間阻陳君昨南來對我淚如雨爲言  
賊東下直趨江甯府阿母蘇孺人死節一何苦讀君所  
撰狀一一堪備舉武昌旣罷守倏及皖江滸千里若無  
人將帥適何許危城迫旦夕士民厲干櫓母聞大悲歎  
料檢筐與筥倒我筐中糧煮粥實軍糈鄰里竊感泣效  
奮力當努癸丑春二月天狗墮堂廡哀哀城中民慘慘  
江頭鼓母心轉浩然視身迺羈旅上言二百年

厚澤媿堯禹下言臣民分于茲得死所亟命兒速行一  
線縣宗祖畢命一杯醢從容九原下同時十三人長幼  
無失序撒手耆婆天騰空聞笑語孤兒寶餘醢含咀勝  
甘乳旣絕忽復甦天意鍾厥緒宛轉攜子遺痛定命懸  
縷俛仰宇宙間餘生脫豺虎讀君所撰狀奚啻親目覩  
嗟嗟將帥臣云何失門戶城亡與俱亡如母堪底柱母  
節白日星羞與若曹伍逝當返江介一薦崇祠俎躋膺  
春明門烽火望吳楚

又題陳子餘所畫熏鑪卷子二首

并序

鑑爲陳子餘室張孺人嫁時奩中物咸豐癸丑粵匪寇  
江甯孺人從其姑蘇太孺人飲酖死方城未破時孺人  
出釵釧藏陳君鞵絮中爲避亂之貲嗣陳君遊吳越間  
偶過金閶得此鑑于市上蓋亂後爲人負之而出者因  
寫是圖

畫堂一熏鑑飄零到吳市焚以心字香騰煙散成綺入  
君懷抱間蘊結常不死隨風去纏綿飛度建業水  
范金首山堅披棉兜羅暖鏡臺委荒煙疇昔光照眼明  
珠旣的的玉釵復婉婉故物興長悲盛年孰可挽

題符南樵湖山載酒圖

并序

道光戊申符君南樵與黎樾喬給事

吉雲

觴酒平山堂

孟玉生

毓森

繪圖以紀其游不數年黎孟二君先後物

化而湖山兵燹之餘有不堪回首者今年春南樵計偕  
來都出示斯圖爲之慨然

隱隱風水聲淒淒湖山色湖山非昔時睠懷撫殘墨杯  
酒散萍蓬康莊頓荆棘浮雲一以別餘輝杳莫卽如何  
粉墨遺共結冥漠憶鷗鷺旣無羣烽火殊未息蕭條季  
子劍幽咽向生笛存者且飄零歿者已岑寂日落銅馬

門披圖耿胸臆

寒食書感

弱柳初青繞玉河  
燕南花事幾蹉跎  
風沙市野春如晦  
節物驚人鬢易皤  
廬舍何年生計遂  
江鄉極目餒魂多  
倦游灑盡兵戈淚  
清夢無聊戀珮珂

清明

春風消息滯燕城  
向晚狂沙撲面迎  
惆悵日南坊底路  
山桃一樹作清明

三月朔同嚴仙舫通政

正基

鄭小山京卿

敦謹

出

西直門至畏吾村祭明茶陵李文正公祠墓歸途

過極樂寺小憩二首

幾度踏青候西郊人不來同游動清興邀我掃蒼苔  
曉日曛曛遠春雲詆蕩開寂寥相公夢再拜奠深杯

更欲尋蕭寺青驄路匪遙殘僧訝相識幽鳥靜忘囂  
芳訊愆紅藥長生愛木瓢笑譚忽亭午鴻爪認疏寮

春暮有事赴淀園車中作

無邊蒼翠滿郊園塵事無聊絆此身黯淡雲陰猶作雪  
蕭疏煙柳不知春北山尙有移文在下澤空思款段頻

愁絕江關幾千里極天兵氣正嶙峋

三月九日與汪仲穆夜飲酒肆

予今年以事未與禮部試

往事朋場一笑輕柘枝零落舞難成春風不作仙都夢  
醉向鑪頭看月明

三月十五日同王益三

甲會

徐孟卿

志導

吳述韓

潮思澄

養源

卞頌臣

寶第

酒後遊郊外諸寺

春風猶賸亂鶯啼痛飲旗亭試馬蹏幾處僧廬花事了  
夕陽無限郭門西

春盡日遊法源寺

敦夙好齋詩續編

卷四



上方鐘磬逐風吹閒向禪關問斷碑傍午齋廚香馥郁  
餘春裙屨影參差廊深偶覺名花綯野望徒增宿草悲  
昔年偕戴存莊來游昨獨有廿年游宦者尋蹤無那感  
聞存莊去年歿於臨淮  
衣綯

四月三日同孔繡山舍人展楔慈仁寺與會者三

十人期而未至者七人

與會者長洲陶樸堯香華亭張祥河詩舫江甯吳國

俊伯鈞何兆瀛青士陽湖汪陳仲穆楊傳第汀蘆  
馮承熙耕亭武進劉瀚清開孫山陽魯一同通甫  
丁壽祺仲山桃源尹耕雲杏農江都符葆森南樵  
蔣超伯叔起儀徵卞寶第頌臣吳慶增琴涵鎮洋  
畢廷杰容伯德化蔡壽祺霖盤望江倪文蔚豹岑  
歙縣徐志導孟卿杜林朱琦伯韓閻劉存仁炯甫

林爵國類叔商邱陳重小蕃壽陽祁世長子千曲  
早鄭曉如子斌孔憲彝繡山憲穀玉雙羅田陳昌  
翁凝甫歸州王樹桐琴軒漢陽葉名禮潤臣未至  
者江甯司馬鍾繡谷會稽宗稷辰滌甫甘泉劉倬  
雲齋汪滋樹沁園山陽丁壽昌頤伯  
臨桂龍啓瑞翰臣馬平王錫振少和

維昔撫州子展楔江翁亭高風既歆絕廿載餘窈冥歸

然一客在厥時雙鬢青垂老猶上計對我悲晨星道光丙申

黃樹齋師展楔陶然亭迄今二十一年諸客盤杆閱寒

歿者大半惟魯通父一人今春計偕來都寺中顧亭林

煥縞紵懷影形爰假釋流地申薦明德馨先生祠今日

仍設祀焉後死責綦重綴學羣思型冉冉花墮席謾謾松蘿  
庭來朋願求益析疑斯呈靈往轍慨風籟今讌方蓬萍

歡言滿觴酒結念千百齡

崇效寺看牡丹遂出右安門至花之寺小飲頤園而歸三首

唐代棗花寺春光賸牡丹入門蜂蝶亂小憩午陰寒佛  
畫緣塵暗經幢厯劫殘吾曹勤訪古題句傍雕闌

舊是豐宜路僧廬一徑斜密林寄齋鵠空院落楸花風

雅名流杳笙歌近事賒

此地本名三官廟曾賓谷侍郎題曰花之寺詩社甚盛近則裙

屐雜沓而風雅頓替矣

西來山萬疊蒼翠似吾家

武昌縣亦有西山

侍郎久云逝別業付兒孫車馬侔韋杜鶯花薦酒樽冒

溪蒲葉淺繞屋樹陰繁薄飲亦成醉斜陽下郭門

願園爲述

堂侍郎誠端別墅酒家賃地設肆易名嘉燕山亭

### 讀陳九香郡貳近詩寄懷

垂老一官倦拈毫時苦吟感時憂骨肉訪舊愴人琴鄉夢鼓聲亂旅懷樽酒深與君等飽繫相望淚霑襟

### 偕友過天甯寺

西郊第一寺車馬逐時新今日正晴霽尋幽無主賓孤松依塔近雙鹿傍籬馴婪尾佳期會重來布錦茵

寺中芍藥

花開甚遲

魯通父下第後將歸淮上招同汪仲穆陳符南樵

葆森

蔣叔起超伯

陳凝甫

昌綸

徐韻笙

維城

吳芷

生峻城南餞飲

羈飲難辭醉不知風雨昏茫茫來日事寂寂國西門天上笙歌好江東戰騎屯底須悲去住皓首此乾坤

讀魯通父北行諸詩

東南兵未已掉首入雲亭滄海日華紫齊州煙氣青高歌忽相見長醉那須醒欲問年來事篇終涕淚零

酒間贈別朝鮮李著人鴻臚

經修

兼懷李藕船尙

迪

四月南風天欲暑雞林使者輕衣舉筵前劇飲如吸川  
高歌擊節心相許使者之友李藕船自我不見今幾年  
爲君介紹言匪妄不及同醉殊惘然柳花飛盡蒲葉紫  
相見相別愁何已仰首惟驚雙九駛萬里之行瞬息耳  
金罍一揮命駕起歸心早渡鴨綠水關門何日來尺鯉  
酒間重送魯通父同朱伯韓丁頤伯仲山二絕句  
天涯何處不相見我輩飄零安足論且向鑪頭沽美酒  
那須灑涕右安門

越客浮湛未得歸

伯韓

淮東二士旅情非

陳伯昆仲

羨君一棹

雲端去榆柳陰中閉板扉

### 龍樹寺

古刹未荒圯閒來偶一尋地因龍爪重天傍鹿園陰晝

靜飄殘絮樓空列遠岑好風搖萬葦歸路動清吟

題甘竹生

炳

哭書圖四絕句

回首金陵劫未終書生含恨向東風牙籤錦軸飄零盡

百萬精靈涕淚中

草堂繞徧舊松栟欲問今存無二三憶到紬書燈火夜

傷心江北望江南

于湖手澤又茱山劫後摩挲抄詎等閒稽首天公解呵護

尙留雙印在人間

君家所藏于湖侯印及茱山印未失

結習難忘事竟虛畫圖相對失幽居與君共抱蒼茫感

不獨天涯哭異書

余家所藏金石書畫亦無存者

曉直作

一望重樓曙景鮮東華門外解鞍羈明光宿衛半非舊

問我簪毫今幾年

送甘竹生同守之官浙江

竹生江甯人歸將爲名禮省視先代祠墓之在



身居女界言系系  
江南者爲  
可感也

江南戎馬衰薊北煙景麗送君今日行含淒望天際  
生先世江南人崇祠遺壠多荆榛宦游不得一展視  
復烽火愁朝昏晴川鸚鵡同一涕江流滾滾入夢傷心  
魂甘侯此來殊未久又向天涯折楊柳棒檄將爲吳越  
遊行觴不待菖蒲酒離亭執手風蕭然鄉關笳鼓聲填  
填知君西浙聽潮夜憶我東華待漏天

汪仲穆朱伯韓招同人集飲慈仁寺

坐我贊公室悠然入畫圖松間容散髮竹裏復行廚  
爛

醉吾生足狂歌夕日徂王施

漁洋愚山兩先生

今已渺清興二

追摹

### 喜吳稼軒至

還家違夙願襍被復長征故國干戈淚中年去住情徒  
悲慈母線莫請漢臣纓寥落荆高市千觴待汝傾

六月八日孔繡山招同符南樵吳稼軒丁仲山地  
安門外看荷飲於十刹海上酒家冒雨過普濟寺  
登樓遂至積水潭匯通祠小憩三首

客有看荷興衝泥城北游盍簪思追暑載酒好臨流樓

閣諸天勝笙歌列第稠吾儕喜無事一醉復奚求

雨聲送車馬太液欲秋風野寺稀塵塹高樓納遠空幾

人蓮社續一曲鏡湖同卻願翠微色蒼蒼暮靄中

問訊詩龕老蕭寥未百年神明付詞翰草樹蔚風煙地

占西涯舊樽誰北海便法華煩好手重與寫吟鞭

積水潭卽

李文正公西涯舊地潭上匯通祠明時爲法華庵梧門祭酒法式善集中考證最詳每於文正生日觴詠於此翁潭溪閣學方綱嘗欲倩人畫法華庵圖未果兒復初齋詩自注

夏日直廬遇張雲舫舍人

祥榮松江人

襍被登華省蹉跎失少年功名看短鬢身世一寒氈舊

德期能述新詩許共傳所思峰泖畔荷芰泊吟船

六月二十一日朱廬陵歐陽文忠公生辰王少鶴

戶部

錫振

林穎叔工部

壽圖

招同陶臯香

樑

張詩

舠

祥河

兩侍郎丈龍翰臣通政

啓瑞

錢萍虹大理

寶青

孔繡山舍人

憲彝

朱伯韓分道

琦

劉炯父徵

士存仁

展拜穎叔新得滁州遺象於松筠庵象爲

琅邪山石刻原本名灋因攜所藏伍堯梧門祭酒

法式善

摹

南薰殿本往觀分韻得佩字

醉翁守滁州琅邪一亭對曾聞滁人言遺象歸然在尺

敦夙好齋詩續編

卷四

齒

幅邀

天題傳本自宋代當時李晁徒贊語許相配

廟御題一純

律蓋從裘文達公日修之請李端叔晁說之題字具在真宋本也

連年烽火中南望發

遙慨要知縑素靈詎以風塵昧飄零入京國瞻仰愜吾

輩亦有詩龕翁金閨播藻績豐削狀偶殊嚮往乃一槩

後起公鄉人角逐振榮敦

嘉慶丁卯六月二十一日新城陳石士丈用光會從梧門

祭酒借得此幘設祀齋中與會者凡三十二人以公寄許道人絕句分韻賦詩記於幘中嘉會渺難

追我輩未敢廢同調王與林居沐方公退循例值今辰

舉觴爲公酌陰陰僧宇深瀟瀟雨風晦俎豆瞻肴蔬趨

踏盛冠佩雖少絃琴人自具山水態范韓世豈無曾蘇  
或可再奉茲一瓣香九天降雲隊

蔡鞬盦編修

壽祺

黃翔雲郎中

雲鵠

約同人作郊

外游雨阻未果旋移樽於謝公祠側之豫章別墅

二首

未踐郊原約還期載酒行天公停遠霽我輩展酬賡香

火名賢在

祠祀宋弋陽謝文節公枋得

階庭夏木清尋幽塵轍外仰

止愜平生

楚尾吳頭客聯翩聚上都縱譚消磊砢異地感枌榆

名禮

家漢陽翔雲家黃州縣廬所居則九江府也九江與黃州接壤湖秋來餘暑盡莫遣玉樽孤

初秋過積水潭

楊柳晚蕭蕭西風海子橋荷花開未了鷗鷺遠相招拾

級尋僧寺淩波少畫橈曾聞大都客歌管醉深宵

元時趙子

昂有過海子小姬勸飲詩其時游宴爲極盛云

七月十五日載酒至慈仁寺飭辦素食與汪仲穆

孔繡山兩君議重修顧亭林先生祠

宿雨濯餘燠疏風忽清朝延客卻冠帶策騎尋僧寮入

門數松響列佛層雲交湛湛涼露潔亭亭初日高寺有  
顧君屋歲見棘蔓淆經始孰云遠戶牖條已彫聚散塵  
劫感興廢薜木嘲良朋二三子同氣笙竽調休持米汁  
戒用屏珍鮭囂圍坐各長喟望古心焉忉挈榼更筮日  
爲樂期吾曹

秋日孔繡山復招同人十刹海集飲並游積水潭  
上諸寺

沽酒屢尋十刹海訪幽常思積水潭吾黨孔侯有奇氣  
暫避吏牘驅疲驂北安門地溯元始稊稻絡繹來雲帆



明童光伎騁簫鼓才人學士廣韶咸

德勝門元日北安門時運船直至積

水潭王元章詩燕山二月和風柔海子酒船如畫樓想見舟楫之盛自徐武甯改築北平城後運河海子截而爲二城內積土日高雖有舟楫橋梁不能度矣

流風未沫明漸替中官香火崇

伽藍

明時廟宇最盛皆內監所掌

我

朝文物莫與比百年風雅通朔南初秋天氣最清曠芙

蓉猶耐涼露含樓頭十千快一櫟車首縈薄西峰嵐趁

然不復事巾帶炎暑已退宜輕衫市甸徘徊舊游處酌

酹毋乃嗔瞿曇好事不見賢閣老

明李文正公西涯卽積水潭地也

愛

客空慕今詩龕

梧門祭酒故居與西涯相近

及時行樂休惜費堂堂

歲月催烏蟾罷歸更語二三子茱萸釀熟重陽酣

柬蔣叔起

北部聲名白雪樓閉門時與一編謀多聞且示蟲魚學

時洽爾雅

佳日相期鄠杜遊輦下詠歌容宦隱江南烽火阻

林邱十千許貰山中酒不惜深杯互倡酬

七月二十二日同汪仲穆朱伯韓孔繡山酒樓小

飲出阜成門遇雨伯韓先歸爰偕汪孔二君八里

莊摩訶庵小憩遂造慈壽寺瞻九蓮菩薩畫幀並

石刻象及瑞蓮賦寺僧出示明萬曆六年創造紀

事圖卷展觀於娑羅樹西廊下歸成七古一章

長安酒樓風始涼  
平明直入宣武坊  
樽前招得素心侶  
科頭箕踞形都忘  
酒酣凭檻各無語  
出郊整轡神飛揚  
城西舊有八里莊  
竹樹深蔚泉泱泱  
摩訶庵中頗精潔  
徑尋茗薜趨山房  
石樓三面足繚繞  
不幸斤斧遭奄璫  
石樓三面缺其西  
爲魏忠賢折毀見明劉侗景物略  
迅雷已遠村落靜  
流雲四環環書堂  
忽看翠堵出鄰寺  
三千寶鐸音琅琅  
到門剝啄驚吠犬  
勝地轉訝荆榛荒  
九蓮菩薩象完好  
相臣勒石垂休祥  
道人贈我娑羅子  
置之懷袖含芬芳  
爲言春暮

三四月繁英絡索千珠囊手持一卷說緣起華語斐亶

威儀詳毘陵詩老歎走廊

仲穆

韓齋學人揮翰忙

繡山題同游人

名卷尾

朱侯飄然負清興會須罰依金谷觴百年三萬六

千場吾儕遊戲殊未央塵埃馳逐等夢幻龍象寂寞悲  
滄桑斜日澹澹晚將霽目送去鳥青天長

陳凝父舍人

昌綸

初直

淀園賦柬

且向銓曹注姓名紫薇開處近蓬瀛頭銜好博庭闈笑  
手筆應推地望清破屋三間斜日好疏章盈几短檠明  
團團金水橋邊月回首周廬十載情

張詩舲侍郎畫慈仁寺雙松圖留置寺中

香光妙筆今何在劫火銷沈一惘然

地名大慈仁報國寺王漁洋許天玉

所見二松久爲火焚今後種者亦百餘年物也又見孫聞董文敏公有報國寺古松墨蹟藏商邱陳氏

枝散鱗爪幸逢詩老寫雲煙琅琅鐘磬伽藍地寂寂鶯

花被禊筵

今年四月展徵之會侍郎有詩

一例稽山重悲感好將石墨

付他年

七月二十八爲宋蘇文忠忌日焚香齋中致祭

老作毘陵客空思陽羨耕畫龍猶請命

公歿乙月早甚懸黃荃畫龍於

堂致禱一如作郡時見本集與錢濟美書

磨蝎了餘生身歿文難掩朝端獄

未平茶坪留故事孰續瓣香盟

康熙年間武進徐茶坪先生嘗於是日集同學

諸子肇祀先生賦詩成卷一時傳爲韻事見教經堂談藪

### 七月晦日同汪仲穆游城西諸寺

繞郭西山散曉煙尋秋佛寺試吟鞭  
壘鹽滋味分齋鉢

慈仁寺蔬飯

香火經營費俸錢

時將重修寺中顧亭林先生祠

石室欲詢羅

漢果

佛國記羅漢結集石室善果寺五百羅漢明孝宗時內官監姚訓造刻木爲耆闍崛山散布於上

廊廣可六十楹采飾備極精巧

風鈴試證瞿沙緣

天甯寺塔鈴猶有存者佛書音謂之瞿沙

無端林外疏鐘動掠翅荒禽送客還

### 崇效寺

垣戶任欹側參天綠尙濃僧閒惟放鴿寺暮不聞鐘貝  
葉殘饑鼠莎根響亂蛩空餘紅杏卷拙老幾時逢

拙公智朴

紅杏青松圖  
卷見存寺中

### 陶然亭

亭子已非昔幽尋時一登看山倚危檻留客有孤僧蘆

葦花成雪陂塘魚可罾相招明月下得句付溪藤

汪仲穆有

來此看  
月之約

退直後汪仲穆黃翔雲過訪因游慈仁增壽二寺

歸途邀符南樵同醉米市巷北酒樓二首

勞人畏縉塵退直每局戶蕭蕭庭樹秋一編析今古二  
客趫然來高譚捉玉塵導我尋松關淪茗席長廡蜿蜒  
雙虬翔清籟響天宇鐘鳴倦欲還忽更精藍覩傍廬竹  
修修花草各含嫵排闥西山青巖際昨宵雨

呼酒上高樓歡樂情何窮雖非鄉里游莫使良辰空斜  
陽下萬瓦窗牖招涼風暮色曠無極星月光朦朧寥寥  
數犬吠如在扁舟中側聞京西剎亂岫明霜楓蕪城且  
輟念南樵家揚州爛醉傾千鍾澣日暢遐興準辦登山筇

閒官次何青士韻



潦倒儒官未解兵封侯莫問棄繻生江淮流盡黎元淚  
鼙鼓聲中將帥情一拂何人追鄭俠四愁今日詠張衡  
閒官夜展陰符讀作作天南大角明

分校官書感作

館吏送書至晴窗三復看事殊周柱史名稱楚枝官升  
斗謀生易烏焉逐字刊風塵方瀕洞素食有餘歎

八月九日汪仲穆陳凝父朱燮臣

儀訓

招同人陶

然亭集飲看月分韻得明字

是日白露節

騁轡踐良約愛此郊原晴斜日媚游客孤亭敞崇楹披

圖軫往迹

寺僧藏江亭展襖圖卷

延睇舒遙情連林木未脫大野

鴻初鳴開軒爽颿度列座蒼翠迎曖曖薄煙暝徐徐弦  
月明雲水湛一氣蟋蟀流千聲賞愜隨眾遷抱冲寡所  
營角藝獻柔翰敦舊申華觥告歸短更促循途叢葦縈  
衢巷渺燈火舉首涼露盈

### 中秋入直

一天秋色近蓬萊令節都從暗裏催疏櫺當窗餘意態  
故交異地失追陪

謂昔年同直諸前輩

浮沈且作郎潛計潦倒多

慚閣老才

唐中書舍人資深者爲閣老見楊綰傳

今夜重闌魚鑰靜月明

敦夙好齋詩續編

卷四

三

誰更此銜杯

贈別劉開孫主事

翰清

追懷令祖申受禮部

逢祿

禮部文章夙等身公羊而外語皆醅儘教寰宇流傳廣

已失名山面目真許我質疑猶昨日期君補藝慰先人

老君堂北斜銜路樹色蕭疏一愴神

申受丈著書凡十餘種及身刊行惟

公羊春秋何氏釋例三十卷其劉禮部集致後經它人屠改與先生意旨未盡合也拾遺正誤開孫之責歟

八月十七日邀同汪仲穆

陳

劉炯父

存仁

符南樵

葆森

孔繡山

惠彝

陳凝父

昌綸

楊汀蘆

傳第

吳芷

生

陵

集飲後游積水潭尋西涯故址小憩匯通祠

屬芷生作西涯秋眺圖

尋秋眷嘉儔酒罷未肯別言續城阿行循厯軌途折積  
綠仍晴空一潭尤澄澈殘荷餘葉翻高樹天風冽主賓  
各忘形俯仰殊清絕俊躅思往賢法界討遺碣坐感景  
物移譬彼煙浪瞥修名戒紛營良會暢繁悅願以茲辰  
游垂績貺來哲

酒間送劉開孫

几上七絃奏翻爲離別聲涼宵此燈火促坐聽雞鳴北  
土蝗爲孽南天穀未成舉杯重屬汝千里慎歸程

符南樵招同人飲至夜

欲呼天上月照我眼中人秋氣作風雨歌聲動比鄰轉

更殘燭短醉客濁醪親珍重名山事衣冠致鬼神

君選乾隆

以來名人詩凡百餘卷曰正雅集以續沈歸愚尚書別裁之選同人因舉願俠君先生元詩選刊成夜見中庭衣冠羅拜事相況

重陽前十日蔣叔起招同汪仲穆天甯寺訪菊晚

過長椿寺僧舍蔬酌二首

陰陰郭西門峨峨空王寺令辰邇重九士女豔車騎吸  
水煎苦薺聊藉讌餘地畦畎入望勾盆盎儼居肆羨彼

丈室僧坐致園圃利草樹各矜榮鐘磬久云悶風鶴逐  
侶呼馴鹿解人意黃花時未舒何處覓微醉

良疇被螟螣鼓翼如飄輪登高眺原野脈脈傷心神側  
聞大河北赤地皆空困庖宰不下咽暫與伊蒲親殘碑  
叩苔蘚香塔瞻嶙峋驟雨挾風至粲然傾一樽預盼冬  
雪沃可期災沴泯擊鼓御田祖助我詩歌新時有  
旨命歲暮  
舉行蜡禮  
以消蝗孽

題明茶陵李文正公慈恩游詩卷卽次原韻二首  
并序

詩凡四首爲懷麓堂集所未載末題正德九年十月六日作爲公致政之二年文衡山作畫題曰西涯圖自署諸生文徵明後有喬莊簡跋梧門祭酒輯公年譜載此四詩而於喬跋則未老人蔣衡手筆末題隸書二行先祖湘颺公臨乾隆四十三年仲孫和審定和字醉峰蓋嘗舉此冊以贈祭酒祭酒所據者蔣摹冊而此卷文畫公原墨概未之見蔣冊前爲名灋所得有詩龕書畫印可證也此卷藏陽城白氏彥京時寓書湯侍郎右曾侍郎書跋題詩西涯地址考辨甚晰懷清堂集中並載之

祭酒作西涯考亦本諸此故嘗知有此圖未始不以未  
見爲憾耳名灋年來屢游此地不意得公手澤公之貺  
後學者深矣殆有數存乎其間也耶

荷芰風來潭水頭名賢遺迹幾經游幅巾送老歸無日

嘯詠登高淚自流用文正詩中語尺幅烟波今昔感一庵鐘磬

劫塵收葱蔥寺荒圯久矣依稀三百年前事石磴凌虛似畫樓

西涯卽今之積水潭明法華庵今爲匯

通祠祠在積石之上水木爲特勝之

響聞琮琤綺陌頭畫圖宛若出塵游暮年相業紛譽毀

通德門牆異輩流楊柳桔槔今已渺桔槔亭楊柳塋在西涯十二畝中



山林霧雨望中收

用文正詩中語

後身更見詩龕客指點因緣

認故樓

祭酒自言文正後身別號小西涯曾寓文正西

涯舊業詩有三間矮屋一重樓之句公兒時居處可想見之矣

聞許海秋將至都

無計返江表還爲汾水行  
鑿楹懷苦淚負土問佳城  
離緒浮雲色  
鞿愁短鴈聲  
應知籬菊放待汝酒同傾

讀愛蓮堂集追懷仁和魏春松丈

成憲先生與先大父爲乾隆

丁酉科拔貢同年晚官御史眷屬在南獨居土地廟斜街之全浙館趙氏寄園故址也後告歸數年

卒乃

寄園半畝水煙中詩老營居似釣篷回憶垂髫頻撰杖

偶驚屬對許奇童風期磊落傾餘子霜鬢蕭疏竟負公

贏得一編清愛集馬塍花事幾春風

先生有馬塍種花圖

讀蘊懷閣集追懷鎮洋盛子履丈

大士先生與名澧未識面道

光壬辰癸巳間蒙惠書札畫鄭齋圖及所著詩文集泉史谿山卧游錄見屬曾見名澧說經之文猥蒙許可老輩虛衷獎掖爲可感也官淮安府教授告歸旋卒

寄我書盈篋如何一面慳文章貽矩則圖畫自荆關莫

踐銜杯樂徒教積淚潛畢生憶丰采或可夢中攀

敦夙好齋詩續編卷四終

男恩頤謹編